

子良詩存

子良詩存卷十八

番禺馮詢

香奩詩有序

僕生性粗豪爲詩不耐作兒女子語少年偶作
或代人作都不存稿老復憶及有不得盡忘情
老拉雜補錄得六首耳作非一時皆無題也統
命曰香奩詩

珠簾畫閣列江干江景憑臨日日看能使美人長倚傍
幾生修得到欄杆

子良詩存

卷十八

銀刀剪綵作簪叉斜插青紅鬪麗華可笑無情是蝴蝶
尋香不到鬢邊花

望斷星河易感秋無聊自起掛簾鉤殷勤守出深宵月
轉爲蕭條卻下樓

記送郎行教妾回閉門好好理粧臺人生莫遣眉頭綯
萬囑千叮不肯開

一落風塵萬事差相逢飄泊等無家酒杯恰似麻姑爪
遇着牢騷處便爬

送別爲官扇一枝扇頭寫滿贈行詩詩中句句箴規語

莫使官兒愧女兒

題史靈仙塢畫蝶冊子

陶公有五兒皆不好紙筆幸我兒及塢文事尙不失雖
然學未成窮年自斲斲長塢史靈仙筆意尤精密讀書
兼學畫畫蝶妙無匹頻年困離亂體復多病疾過慮到
書畫歷劫恐散佚珍重欲傳家請我題蝶冊塢年方富
強偶挫豈遂畢卻念畫么麼似未見風骨魏生輕已譏
莊叟達何益又轉念藻繪華虫可黼黻風流在文采翩
翩亦絕特嗟予已鷁退念塢正蠖屈萬事不可期可期

是筆墨最堪更最兒功業勉勿息畫便畫麟圖榮顯望
他日

酬李肇卿大令

世基

時肇翁既引退奉母就養
令嗣震生大令江西公寓

教兒成立博親歡樂得身閒縱覽觀別有經綸聊作客
了無羈絆易辭官雲烟過眼惟書畫風月談心且敦槃
誰似歲寒寥落候閉門高臥訪袁安

識面深推雅望標佳篇投贈更佳招偶來南浦開三徑
同住東湖隔一橋亂迹難憑棋正劫閒愁易散酒能燒
鶯花簿領君猶健回首行春路未遙

酬王柳橋大令

維新

時大令奉委辦理軍火設局佑清寺與予寓宅至近

離亂何才策治康
繭絲保障費平章
爐邊奉役官宜熱
寺裏論兵佛亦忙
半郭半村爲宦迹
一琴一鶴是行裝
因君轉感平生意
寄託如幽卻匪藏
贈我詩歌見性真
不才翻愧老湖濱
已成漫叟甯求宅
安得良朋盡結鄰
倦憶遊踪尋阮屐
狂乘飲興脫陶巾
出山數到還山日
風月能談有幾人

予六十八歲始賦致仕不可謂勇退也李芋仙弟來書有強哉矯之語且惠長律一章脩極獎許

徒滋予愧耳截句答之

名場熱鬧隱場荒長笑耽名隱士狂八十始歸能幾日
鑑湖何苦乞知章

放歌贈梅菴上人

梅菴和尚真可憎十往一來猶未曾以僧傲予疑不情
予亦大有僧性靈怪如老猿棒可騰拙如伏鴿經可聽
有時讀書借禪燈有時打包學僧行無端萬里走一生
大半以寺爲居停齷齪緇流一笑輕倏見梅菴眼睜睜
憶法雲堂聚良朋侍郎黃樹中翰郭羽壇主盟我與梅

菴亦同升梅菴屹坐神冥冥偶然微笑一兩聲不談衰
笠不簪纓語言文字已掃清此老知別有真精一別寒
暑甘度更僧俗等劫紛避兵梅菴非野亦非城禪床穩
坐門不扃入門我見喜乍驚烽火寺院多殘傾君獨几
淨兼窓明架上老大垂紫藤籬邊寒瘦標黃萸茶槍粥
鼓書畫屏耳目娛甚心神澄焚香掃地何足營君所到
處無塵腥敘舊我正心怦怦梅菴枯寂如生平一卷忽
似以詩鳴一盞忽似以酒稱吾得間矣進論評我已乞
骸君忘形有詩無詩皆勿名有酒無酒皆勿醒下界了

卽上乘能嗚呼梅菴和尚真可憎任我百問不一應

過湖上惜字塔舍寄懷李芋仙弟

記一詩囊一酒尊飄然遂別黯消魂風前解纜條條亂
雪裏來書字字溫引退未歸仍失路問奇重過已關門
除君共賞春無色孤負楊花近水村

龔悅生記室

家雋

屬題看劍引杯圖

繪美人
侍側

五花光燄一圖中結緣浮靑映袖紅生有才華真福命
坐無兒女不英雄讀書入幕名難隱作賦登樓句易工
世態閱殘吾億甚爲君題轉氣如虹

胡蔚之司馬屬題本來面目圖

別君未一年，屢問君顏色。問君病，假使我心惕。時
危奉役難，況別有憂戚。功名牛籠頭，骨肉雁折翼。我馳
問，訛書意恐君瘦瘠。忽喜示我圖，精神固奕奕。謂是本
來面，年少倩畫筆。以茲葆真精，雖挫神不失。嗟乎我蔚
之，此意見風骨。君如百鍊鋼，愈柔性愈直。君如三獻玉，
愈琢寶愈出。相皮世或愁，刮目我轉釋。從古生憂患，起
色在閔厯。壯歲正開顏，隱有黃氣積。愛君好鬚眉，爲君
吐胸臆。早晚畫。

御屏願君更努力

除夕柬何廉翁兼寄芋仙弟時芋仙從事皖營而
廉翁與予閒滯章門也

儘拋時事與年新感遇傷離最此辰五夜寒分三益友
一城喧笑兩閒人冰霜何力能消凍花草無言自作落
春行者蹉跎居者懶可堪遊讌亦因循

老鼠嫁女詞

待年時不易落除夕歲云徂聞道新郎親髭髯頗有鬚
今夕此何夕同衾要同穴鼠姑薄牛郎歲歲新婚別

婚嫁年年累床頭歎呼生兒食粟耳此事有功無
畢竟大歡喜光明會無遮平生最快事處處見燈花

甲子元旦

桃符齊換柏觴樹萬戶重熙瑞氣臨又是上元新甲子
少年顏色老年心

上元前二日大雪同鄉宴集覽園爲團拜之會卽
席賦呈在座諸公

四面燈光與酒光作成紅雪錦爲堂濃於柳絮因風起
艷到梅花替月香誰分蕭條過好節最難離亂得歡場

羣公卽日頒春去勿爲繁華忘故鄉

大雪後元夜飲酒

積雪凍上天日月翳不下努力挽留光賴此燃燈社花
作水晶毬樹作琉璃瓦玉戲亦狡獪倒影散紅地要化
肅爲溫萬戶春容治塵海正舞龍冰天忽躍馬八百里
軍書自浙馳江野人人有寒色安用雪爲者或仗造化
工燈艷烽不赭狂奴自故態三日一萬竿頗謂意豪雄
轉覺氣瀟灑炎涼本忘念況是官休假

既霽復雪出門無途作詩寄懷何廉翁

太過恩多亦易衰可能造物盡無私人情險似尖叉韻
世法嚴於禁體詩行色欲晴陰定怨漏痕在上下先知
吾儕尙被寒威阻訪戴尋袁更望誰

爲朱晴山記室題照

我識晴山廿年前一別再見曾無緣披圖如昨見風采
未免鬚髮疑蒼然元瑜書記妙無匹况復黃荃工畫筆
燧氛入世太摧殘風雅於今亦蕭瑟有兒承家已作官
側聞遊倦君欲閒素筆便辭形逐逐聘書恐要才簪簪
往日豪情未全掃行樂及時正春開若入香山九老圖

似君與我皆年少

寒悶飲酒讀何廉翁近稿題贈

淒淒風雪坐愁城忽誦高吟興頓生萬足賦成教子和
十憎傳出怕人驚英雄好酒緣無事官職如詩不強名
除我與君誰會得最濃春裏有秋聲

稿巾有自題萬足圖及十憎詩

題黎楷屏姻先輩所藏王大令玉版十三行應哲

孫名民太守

兆棠之屬

完璧何能世上多殘縑剩紙費搜羅十三行出論纔定
七百年來劫不磨珍賞漫爲豪貴得寶光疑有鬼神呵

傳家玉枕名同重輝映蘭亭晉永和

芝山仙吏宰仙鄉一卷如聞治澤香曾歷陸襄歸嶺表

似遺歐帖感鄱陽硬黃重搨碑長在清白能傳墨有光

題贈況經諸大老因應聲價重琳瑯帖爲惜翁宰鄱陽時所藏召民太守

今復遊宦江右時正于役鄱陽故詩云

題史藹亭親家遺照應令嗣霞仙壻偕其令弟古

餘琢如兩世講之請

痛君鬱鬱久風塵撒手飄然幻此身不見亂離終是福

但遺清白可堪貧經多聚散無同輩感到存亡況至親

勉矣諸孤華屋拜莫驚鍾書轉傷神

張范村大令

國經

屬題其尊人敬石先生松陰聽

鶴圖

圖爲少
年時作

最難城市得雲煙展卷清涼到眼前種樹十圍龍偃蹇
對花雙舞鶴踟躕託身要穩須閒地行樂方長況少年
博得品題圖幅滿詩中名士畫中仙

想見平生一片心庭階春好綠成陰如公合泛逋仙棹
有子方彈單父琴避俗園亭清似水傳家圖籍重於金
退閒魚鳥喜親近翻爲離鄉戀故林

陳德洲屬題鋤月種梅小照

不惜揮鋤夜夜聲
幾經圓缺見枯榮
轉教花月無窮力
成就君顏一味清

蹉跎吾尚滯遊踪
屋湖頭景物供慚愧
無田歸不得
等閒聊作種花農

捕花蟲

弱質纔經霜雪威
豈容毒口更凌欺
名花要護須全力
秉燭搜蟲夜不辭

竹莊都轉次韻寄和致仕拙作再呈一律

笳鼓聲中翰墨揮
語豪情重見襟期
誰操上將論功筆
肯和衰翁引退詩
江柳長齊愁望遠
嶺梅開過惜歸遲
名園半畝春三月
安得隨公更一卮

讀明詩集有作

三楊一代姓名標
史筆論詩恨未消
赫赫勳名慚正學
受恩同在建文朝

黃韶九司馬人都引
見飛轉京餉歸示北游草

題贈

新詩傳出自神京
司馬文章早識名
三輔征輸王事重

十年來往宦游輕
何人望闕能酬國
到處題橋當紀程
卻恐從戎驚舊夢
蕭蕭風雨大江聲

沈墨苑世講

鳳翰

繼娶出示合歡追憶詩次韻奉

和卽以誌喜

種德如君未可量
藍田圭璧合圓方
團圞莫厭他鄉久
談笑重逢此夜良
紅豆因緣情宛轉
黃梅時節氣清涼
始終總是調琴手
一樣和鳴奏肯忘

賢兒料理到填箱
慈母安排似渡航
定省晨昏添悅豫
平章婚嫁費思量
歸何待筵歡能合
先議就婚聘不言旋定迎娶

錢願易償贏得寶朋觴詠樂唱酬重疊當催粧

謝王小初太守惠茉莉

君知我思鄉爲我致鄉卉南海第一株移自波斯始徹
夜女兒香惟素馨與爾爾幹似槎枒爾花實綺靡憶昔
珠江游花船爛筵几珠串繞成團銀絲挿作珥酒闌人
散後花意轉競起芳生笑語餘膩入魂夢裏頗調溫柔
鄉畢生佳亦喜詎料輕別離商人重利市衣香拋一圓
細載逐千里薰菸媚人鼻薰茶媚人齒如蝶乾可憐如
麝馥自毀安用逞南強未免厭北鄙憔悴滯天涯嗟予

今老矣欣欣見花來愛比遺簪履培植縱有人豈及故
園美聊復酒一杯賞花酌行止珍重謝良朋惠我意無
已

黃節九太守見示署九江邵丞卽事詩題一律以
增

勞勞得地且盤桓喜近名山挂笏看豹畧已曾爲上將
馬曹何必定閒官政成蘆荻經營易地有蘆謀詩入柴桑唱
和難莫道賚襄權不屬華夷新局要全安

爲程蘭生題其尊人兩田大令梅竹畫扇

墨香如此好拂拂塵喧折節辭官職看花到子孫揮
毫疑闢徑著眼當窺園種得清涼福袁公扇尙存

小醉桃樹下

劉郎何必歎蒼苔歲歲看花醉眼開長笑蟠桃空約會
三千年後更誰來

送許仙屏太史入都

太史別我索我詩兩月鈍滯無一詞填胸氣忽爲君吐
似君積學登朝遲君年方壯過未晚論才早合身騰飛
憶交十載屢契晤論文尊酒長相思讀書不懈已及古

昔守舉業毋乃卑君言文章要命達生不用第非男兒
公車疊出奮待詔果也翔步遊金闕榮歸大笑快握手
士苟有志誰能違轉思投筆亦入幕運籌決策曾建施
酬庸寵予司馬秩錦冠焜耀花翎枝頭銜一旦換清貴
往日翎頂笑置之我爲君喜爲君祝有川書兼文武爲
卽今四海正多事到處銘勒燕然碑健功倖名恐不免
深仗直筆嚴褒譏側聞

朝廷勵忠烈命史立傳流光輝固知一字不肯假筆有
衮鉞君能持脩哉金華殿中語足以潤色扶綱維況乎

著書繫窮達傳世簪笏逾布衣
名山白頭苦無藉詞林
碩彥名易馳紅燭校書試回首
後何卓犖前何疲窮愁
半生洩班馬喜起數語成臯夔
老夫隱矣文焉用因君
激發霜毫揮

送弓篠鄭刺史奉調赴江南大營

簡書新奉未蹉跎擊楫長江破浪過
裴相方征從事重
寇君頻借覺才多

兼謂李芋仙司馬

刀邊試割終宜慎紙上容

談恐易訛一笑橫空盤硬語
手焚鐵硯枕琬戈

此行遇順看扶搏滯迹回頭已可歎
直道事人能勿去

書生從古不宜官老知名士文章拙窮仗將軍禮數寬
愧我摧頽君正起故交歧路重盤桓

明妃怨

少長深宮竟未諳臨行目送轉情含異才埋沒知多少
猶得君王悔亦甘

賦得飲酒讀書待賊平

一笑身還在千磨力不辭酒狂連賊厭書癖自才遺兩
必回枯卉雷惟選劫枝無能原有味到底賴清時

黃金臺

一擲曾空百萬來英雄用世只心開昭王鄙吝真堪笑
欲把黃金買俊才

送人

鼓聲鞭影一春過處處催愁奈別何爲語柳條無力長
亂離官道送人多

黃韶九鄧月艘兩司馬奉役將行口占送別

偶然繫馬又揚鑣回首歡場遽寂寥猶記訪君深夜返

月邊風畔第三橋

兩司馬皆寓繫馬橋予則居近湖上三道橋也

題黃韶九軍中草

平生志壯許驅馳最是吳州舊一麾曾共艱難誰記得
夜深燈酒論兵時

磨穿鐵硯事金戈博得閒官奈爾何一卷柳塘功盡錄
受恩還是友生多

此草已爲李子翺廣
文選人柳塘師友錄

題徐吉臺上舍耕雲圖

纔信躬耕是至閒艱危歷盡路間關浮雲便出須歸去
念有田園在故山

直應辟穀學神仙謀食雖天要買田不見牛郎貧徹骨
聘錢猶欠況租錢

門前種柳數株爲行路者攀折殆盡

已招風月復招塵日日枝條折莫嗔不是贈行偏要柳
爲他倡着便愁人

近內室設小厨竈以海暑畏烟腥將移之旣笑而
止

炎炎勢不到寒儒徙笑移薪計總迂笑減雞猪魚剩蒜
食貧何必遠庖厨

此際朱門正啓筵爲銷長夏選時鮮明知腐敗崇朝事
要示何曾食萬錢

澆花

迴欄曲徑走如梭爲潤園泥運沼波涓滴何功緣旱甚
較量雨露覺恩多

薙草

蕪蔓全刪計亦非亂時惟此有生機摧殘卻勿官兵怨
今日沙場要馬肥

喜聞楊制軍

岳斌

督兵到江

制軍先任福建提督久統江南水師奉

命以陝甘總督留辦江西皖南軍務時江賊四竄官兵望制軍兵來如旱望雨也

神威纔到懾妖氛號令如山陣似雲節鉞邊疆唐饒射

樓船橫海漢將軍民艱至此何能待王事如公可謂勤
一十四州齊仰首看楊無敵建殊勲

李直齋司馬

寅清

過訪湖上有贈

紛紛摩厲以相須終喜安詳爾獨殊何武稱詩官自逸
倪寬治賦世嫌迂雲霓可慰功非易風月能談夢亦娛
幹濟需賢今更重豈應徒辦府中趨

一席清談慨轉歌閉門吾迹久蹉跎英雄恥以閒身老
文字傳於亂世多安得買田謀種秫可能補屋仗牽蘿
使君倘是炎炎客肯駐高軒到澗阿

示豐兒患瘡

已拋塵熱住巖幽瑣瑣偏成舐犢牛二豎敢爲君子病
幾人知道老親憂亂離豈易清涼福疾苦惟教順眈瘳
調燮未能須自攝怨寒浴暑是庸流

豐兒患瘡既愈再示

肯嘗甘苦易爲謀一笑醫師效竟收不信世間無冷暖
最憎皮裏有春秋負薪五月曾誰識得艾三年要自求
終愛舉家清似水綠陰亭子賦休休

彭瀛海屬題漫春顧曲圖

圖寫讀曲教子

詩書傳舊管絃新庭院森森正好春萬曲疊成教子和
不憂歌舞屬他人

離鄉遊侶散如烟忽感君遊問此箋珠海花田經百劫
可能風調似從前

門人彭紫鶴秀才

壽三

呈虔州雜感詩卷題贈

垂老乞骸骨寄卧雲水鄉匪惟厭功名亦復厭文章彭
生英俊才訪我東湖旁快談出詩卷我讀眉飛揚此事
關性情不關顯與藏嗟哉書生氣積習老難忘

昔赴虔頭州從軍慨以慷慨然無功返閒曹仍班行感

遇亦作詩未免神激昂讀君處遊什吐屬何安詳半是
家庭語戀戀遊有方雖復憤時艱氣短情愈長乃知平
淡中萬丈含光芒此意可論詩語君君更商

甲子七夕

春花秋月福難消回數佳期半寂寥七夕兩風元夕雪
一年得見幾良宵

待月不得有作

人事天時況不常本來難得是清光世間何地容閒月
半是名場半利場

爲徐少農題西窓讀書圖

畫閣光華別有天
尋幽誰復到涯顛
因君轉惜寒窓下
苦讀何功誤少年

老夫埋影住湖東
日日青山綠水中
卻幸平生不能畫
了無形似更神通

寄饒州太守王霞翁乞瓢兒菜

尋蔬覓藪世休嗔
家食憑渠作俸薪
菜把亦恩殊可愧
簞瓢能樂不嫌貧
何才敢爲良朋累
此意思頒太守春
卻恐嚴陵笑求益
寄詩情比寄書頻

戴春波爲湯貞愍公寫遺照屬題

有序

貞愍公諱貽汾號兩生又自呼錯道人以秀才
襲武職也難蔭起家官至副戎旣老引退本籍
常州寄居金陵詩畫名重當時畫梅尤勝性豪
俠好客座滿佳士春波其一也以公殉難金陵
追舊傳神作畫徵詩公固一代偉人而一死一
生乃見交情如春波者亦可過翟公門無愧矣
赫赫才名重世勲風流偏喜見公身簪纓亦是徽纒物

自署頭銜錯道人

罡風百戰落羣葩鐵骨難灰玉不瑕惆悵江南紅雪滿
一枝何地葬梅花

裙屐當年幕府開天心終不負憐才留將一掬西州淚
和墨淋漓入畫來

夜起獨坐有作

蕭瑟復蕭瑟深秋一老翁髮從聽雨白顏借對燈紅萬
事已如此五更猶未終官辭賓客散清話與誰同

蕭劉氏殉夫詩

別母辭姑淚未收貞魂落落恨悠悠夢回璧月重圓夜

腸斷金風一葉秋

微詩啟云氏死後家人覓枕間得金一葉蓋自盡之物也

激烈自

成新綽楔淒涼誰弔舊粧樓悼亡偏我平生慣白髮題詩得勿羞

望曉

了無夢想亦無驚偏是癡聾得耳鳴長夜漫漫何時旦雞聲催過到鴉聲

甲子六月大軍克復金陵賦詩寄頌湘鄉節相

手安坤軸贊

乾符一代功成將相俱賊識軍中范老子人思江左管

夷吾十年報

主孤忠憤百戰封侯萬骨枯久別竊詢公左右憂勞
色似前無

天顏有喜看屏風次第

酬庸畫筆工伯仲卽今見伊呂

兼謂公弟大中丞

使君誰與共

英雄周家甲子干戈定吳會東南節鉞崇門下飛騰經
幾輩愛才安得盡如公

佑清寺銅立佛歌與王柳橋太令同作

時寺作焰局太令隨

姚石樵太守襄理其事太守重襄寺中金
佛而立佛在後堂光芒如故不煩襄金也

茶鼓飯鐘敲不得劫灰飛過嗟禪寂長官一葉肯揮金
滿堂羅漢頃刻生顏色就中一佛骨最適後堂穩立甘
隱幽莊嚴寶相笑元現不受裝飾輕低頭沐日浴月呈
光怪鍊出金剛宜不壞昂藏直聳丈六身睥睨橫觀大
千界禪床自在佛坦舒千磨百鍊胡爲乎四大本空豈
無容坐處盍半跏趺全跏趺辛苦熬煎自撐拄行腳茫
茫無住所側身天地古還今獨立蒼茫吾與汝轉看衆
佛光重開金銀之氣何奇瑰爾不露相真如來立視津
梁逐逐縱有鎖骨皆塵埃法輪轉運佛出世佑明寺換

佑清寺相傳寺在明時爲佑明寺當年寶刹倘亦移定下金人辭漢淚

送何廉翁歸江南

君才雌伏皆雄飛不飛卽伏長掩扉我固知君意有屬
將飛者伏奮者跼豪傑何須必讀書讀書失計成腐儒
君乎挂腹十萬卷嬉笑怒罵皆經畚亦復低頭科第起
十載青綾冷於水誰能飢餓不風塵落落一麾爲二始
吁嗟才大數愈奇出險入險窮危機閉門仰屋忽大悟
此事天忌非人爲顏嘖謝笑誰能測朔長儒短各自得

白簡休嘲措大官青箱未負文章伯千磨百折志不衰
賴有無敵筆一枝文字漢枚叔尺牘朱齡石咄嗟便辦
輒一尺十憎詩惱萬足詩歡揮灑不顧旁人看我才敢
與君並駕卻因寥落同閒暇書籍直到周秦前詩篇肯
落曹鄴下詞鋒灼灼露光芒料君載寶終難藏亦知處
卿憤去國幾見蘓子甘還鄉江上鈴轅正門闢名士過
江倘停迹杜陵豈是幕中人毛遂每爲門下客世間通
塞何處無英雄投憤遂首塗妻子亦拋友何戀惻惻出
門非丈夫得失升沈安足據轉復平情爲君語四方多

難不宜閒況有戈船送君去

借吳竹翁
破船以行

得湘鄉相國賜書楹聯題欸有詩伯之呼感愧賦

此不必呈相國也

聯集蘇句閉門試草三
千廣詩律輸君一百籌

儻父癡兒也自雄卽今壇坫屬衰翁倘緣笑老呼詩叟
難得憐才到相公沒世亦稱名始定無人能愛句繼工

用放翁
詩意

感恩慙爲輩寒慰或者耽吟不盡窮

送鄧月艘司馬

掄芳

丁生母艱歸里

匆匆歸思頓沾巾腸斷存亡兩老親生我誰無烏哺戀
望兒況有白頭人黯迷柳旆雲千里寒透麻衣雪一春

簪閨競騰孤棹去送君寥落倍傷神

可堪愴惻話行藏從古名場屬幻場三載未完先奏績

一官纔晉便還鄉時以軍功議敘東風淚落紅棉醉南浦情牽

翠荷長終恐憂時閒不得英雄墨經是戎裝

張仲甫中翰應昌出示重遊泮水哀感詩題贈二

律中翰浙江人以賊陷杭州全家流離死喪藏書及所著皆毀烽火時年七十六歲矣窮老

獨客豫章因有足作

英髦集泮榜巍我遙望孤城感慨多中翰父子兄弟叔姪先後入學十六

歲六人十七歲三人大興朱文正公題榜於其菰城老屋曰英髦集泮一夢夢樓疑聽雨

子良詩存

卷十八

五

重遊芹沼唱廻波詩書付賊文章劫簪笏傳家孝弟科
珍重青衫猶在笥可堪塵污歎蹉跎

壯志平生未盡忘閒邊著述客邊裝已成廿四中書考
還入三千弟子行劉峻有官爲命阻鄧攸無子以名昌
轉思發軔今伊始重與羣雄戰一場

爲李菊堂貳尹

載謨

題粉紅畫梅花帳簷

羅浮如夢悵離家紙閣蘆簾有此花紅雪畫成誰悟得
最清寒裏見繁華

爲人題醉仙圖

豪傑襟懷隱者機
蓬如飄泊飯如肥
妬君日日傾家釀

猶有鉅邊未典衣

兩葛地下道衣一堆

送盛愷庭太守

盛元

人觀

兵甲路漫漫看君整行旅
登堂別老親望闕朝

幼主況仰

垂簾勤轉念倚門苦家國事未已
安得憚塵土崢嶸

符守君才百廢舉頻年世多故
兵食費撐拄吏才豈度

支國計要彌補

時太守奉委總理交代報銷兩局

大府獎君曰精細無

如汝功成大醵贖奉

子良詩字

卷十八

三

召觀朝亡我知前席對經濟鬱可吐時難泊需賢處處
奏調取眼見蕭育車飛騰擁旄羽先以酬

主恩後以篤親祐

憶交三十年從事君最少終童氣英奮潘令度文妙一
麾曾幾時同輩半傷悼願勉幸我存致仕亦老耄而君
戀戀情談讌數枉造推此戀舊心戀

主肯勿報願以人事君單寒並周到下僚大有人同升
古所教送君贈君言榮名期雅操

均中口號

看春行路不嫌遲
穩棹徐徐有到時
去是順風來順水
可知天意未全私

赴臨江應許星臺太守世兄

應傑

同闕試卷之召

事竣留別

一紙佳招世誼敦
老談文字舌猶存
已忘形跡無賓主
翻喜知交有子孫
感到萍蓬留我榻
種成桃李屬公門
稍閒更覽循良郡
念爾家傳治譜尊

卽今安堵憶危疆
校士籌兵各有方
力挽長江非短策
澤留苦竹

郡屬有苦竹灘

亦甘棠使君考古觀風俗
童子遊春

愛水鄉他日論文兼敘舊杜陵樽酒可能忘

赴吉安應定靜山太守

定祥

同閱試卷之名事竣

留別

五嶺雙江上下遙就中霞彩赤城標何年字水文山結
此地蠻煙瘴雨消江色愛如鷗鷺淨春聲聽到燕鶯調
檢書燒燭平生慣況有良朋折柬招

瞰江形勝自樓臺憑眺無端客感催一郡安危經百戰
廿年出處慨重來諸生磨礪成何器太守殷勤贈此杯
便是朦朧慚老眼看花長記舊追陪

酬林叟生拔萃

傳芬

時在吉州郡幕
與予同開試卷

翩翩年少得風流才自春華氣自秋
若論樽前清者聖已聞幕下拔其尤
膏粱何物貧無志閱歷多艱學更優
莫怨孫陽遲未遇長安誰見困驄騮

記取同堂校閱時文章交契要真知
不教僥倖登科早爲感單寒落卷遲
無語可驚聊自得有書能讀未妨癡
主人恩重平生幾好好思酬理亦宜

贈張介卿廣文

國賓

昨課讀吉州郡幕
與予同開試卷

闔簪隨處結緣深念爾聲華重藝林
名士依人雖落魄

童蒙求我亦開心
珠光劍氣寒中見
書味茶香靜裏尋
聞道清齋能淡泊
可知功已豁塵襟

偶爲論文鬱遽宣
淋漓酒畔與燈前
經多挫折才逾達
感到知交愛或偏
硯上墨殘真似鐵
囊中詩好不如錢
老夫已被蹉跎誤
眼見英姿欲贈鞭

次韻酬劉竹君拔萃

紹策

時同閱吉
郡試卷

飄飄書劍日隨身
名士如君卽伯倫
文字老知風骨健
亂離談見性情真
詩吟楚國三閭客
劉楚人
花看劉郎一
度春仙侶同
并誠不易稍閒同泊綠楊津

酬夏武臣廣文

廷燭

時同閱吉
郡試卷

一紙新投快此遭詠歌真覺性情陶人如東野攻詩瘦
家住南樓聽曲高若論江湖餘幾子本來風月屬吾曹
半生自悔長蕭瑟偏感行吟讀楚騷

江上波濤嶺上雲一般浮迹逐紛紛未能焚筆還捉筆
到底衡文勝賣文白髮頽然應笑我綠陰深處恰逢君
時正夏侯舊是勲華族仕宦賢郎譽早聞

酬萬翔雲孝廉

裕鵬

時同閱吉
郡試卷

聞聲欣得接清姿珠玉傳來絕妙詞老將詩成無客敵

孝廉船過有人知風生高座談何壯雲戀名山出較遲
試問蘭臺能賦者卽今風調孰雄雌

萬楚人

出處回頭似夢尋名場逐逐歲駸駸半腔酒已生芒角
一笑文猶費苦心泡影幻教遊迹合卿音愁到戰聲沈
憑君莫作窮途歎才大長留賣賦金

次韻酬馬小伯彥才

清秋

時同閱吉郡試卷

楊柳陰中聽子規可堪留滯夢遲遲篝燈夜雨論文酒
花月春江紀事詩客似西園聊聚集世無北海孰追隨
逢君轉動歧途感乍合旋分又一時

家牧坪記室以張蔭三大令

延槐

殉難哀詞屬題

紛紛死事總堪悲烈烈情懷那得知賴有良朋工楚些

萬人爭讀國殤詞

牧坪楚人

兵火回頭散似雲阿儂曾是故將軍滿腔熱血成何事
今日淒涼轉哭君

爲李明齋參軍

賢品

題鶴船圖

日日揚舲任往還神仙何必定孤山江湖多少勞勞客
得爾同舟卽算閒

養成毛羽勢踟躕飲啄依人亦可憐便是清高須俸料

且乘軒後再乘船

贈李明齋世講

卅年勞甚悔塵埃老眼朦朧爲爾開
逐逐隨班原小就翩翩遊幕亦清才
江山跌宕供書畫塊壘消除借酒杯
卻語桓伊休弄笛知音從古見誰來

李工書畫又能弄簫管故詩云

韶華春夏思如秋感舊傷離不自由
難得紀羣聯把袂偶然李郭得同舟
梁間月落頻移屋江上雲停正倚樓
到底豪情收未盡爲君吟興滿滄洲

登吉州城樓

江上青峯峯外灣結城背地秀廻環文章節義分千古
仙佛英雄共一山未免有情留覽眺幸逢無事得清閒
此行只恐羣鷗笑廿載重遊鬢已斑

敬題吳雲樵少宰師桐紙蘭亭詩冊

有序

師於蘇州得吳紙滑膩有木理奇之攜入都謁
成親王求書爲臨蘭亭序末綴此箋蓋黃長睿
東觀餘論所謂桐紙也十五字茹古香尙書借
觀師恐其奪也仿東坡仇石故事戲投以詩尙
書亦戲和一時國老詞臣題詠殆遍師彙爲桐

紙蘭亭詩冊曩予讀師集誦其詩知其事悵未
見其冊忽忽四十年矣乙丑客遊吉州時師孫
樵孫司馬方宰廬陵把昭流連論文敘舊因獲
覩是冊頗有殘缺蓋遭兵火幾失矣予久慕倏
見欣幸何如樵孫屬題詩慨然應之轉念萬劫
殘編鄭重故家遺物百年喬木徘徊恩地餘陰
詩成不覺黯然神傷也

戲爭伴奪總徒然寶物終當付哲孫一本蘭亭新應教
四朝桐葉舊承恩較量蘭紙神光勝珍重鸞箋手澤存

卻憶風流諸大老品題如接笑言溫

望斷師門四十秋感恩垂淚可能收當年赴宴原藍尾
今日題詩已白頭經亂籍殘宜訪碣論文情戀偶停舟
雲煙過眼平生業重以纏綿幻念留

夏五月爲靜山太守題畫梅扇子

塵裏風流雪裏葩綠肥紅瘦總清華可知太守春無限
閒到江城五月花

七十生辰感酬王柳橋大令惠壽之作

古稀難得得兼詩便作平生譜亦宜惠我編如丁卯集

笑君年尙甲辰雌荷花已幸生同日竹葉猶能醉及時
予五月十五日生而
十三爲竹醉日也擬繡平原還繡佛端陽兒女買新
絲

從來不朽是精華健飯英雄老更加若論百年糟食實

繼經一月甲重花是年閏五月山中事業供長日江上情懷

寄晚霞獨惜歸遲芳信誤借君題贈向人誇覺園芍藥
子手植三

年矣今年始花述他出未見大令以
覺園賞芍藥詩見貽欣幸轉愧也

吳竹莊方伯督師防江小駐永福菴招飲消暑賦

呈兼東梅菴和尙

將軍風靖掃炎氛暫散材官集雅賓
三伏樽罍成李會
一龕燈火筍蔬人不因懶借閒僧榻
卻是涼宜處
士巾興到忽聞歌白雪沁心和酒味清醑

盪胸秋氣滿腔春辛苦功名自在身
飲酒賦詩關福命
栽花移竹見經綸此間可樂安排定
方外能交笑語真
畢竟熱情家國重十三鄉郡尙征塵

永福菴看千瓣紅蓮歌

永福禪師真艷福拔得袈裟宜紫綬
青紅兒女皆曇花
清華競出楊妃浴初疑紅紗展中單
裾襦什襲紛絳斑

又疑此脂輕一捻吐出回回紅暈頰此豈咒鉢生得來
有花直自無樹臺葉是如來花世界中着紅兒亦可怪
憶昔少年客蘇州親見吳船喧虎邱攜僧兼復攜妓遊
妓也紅粉僧白頭照耀綠水青山陬是空是色誰叅求
茲花冶容雜綺流恍與當年遊景侔老夫隱矣營菟裘
三椽茅屋百花洲開門紅蓮大如毬如雲如火湖面浮
層疊湧出如紅樓繁華倘累隱者幽現色相已通禪修
境清淨亦鄉溫柔忽大解脫翻更猶戲擲一葉成扇舟
訪妓訪僧隨去留載酒折花爲酒籌拈花一笑浮一甌

禪師謂我能悟不

臨江單藻林太守

興詩

因公留滯省門卽遣眷先

歸里意益綽綽進退也感遇賦贈

仕宦紛紛一局棋只應黑白任人施卽看謹愿猶如此
纔信清廉不可爲樽俎折衝賢郡守香爐違枕舊曹司
匆匆三十餘年過老話行藏轉自疑

掛冠吾尙滯行裝綽綽看君倍愧惶客入易歧防失路
宦成難退悔辭鄉喧譁說尹章山滿辛苦歸孳庾嶺長
案牘未完誰歇得危時民况視如傷

題燕喜圖

四燕戲叢枝一燕別叢戲四燕喜可知一燕疑有意不
是玳瑁梁不作雙棲地遙想畫堂上結伴待汝至念汝
毛羽成烏衣舊子弟衣錦不還鄉風塵易憔悴一倡四
卽隨歸笑五福備轉念締構艱銜泥到燕羨一枝亦舊
遊高舉未可棄

家熾堂叅軍

晉昌

以羣雀集枝小畫幅屬題

小鳥集卑枝其勢安能翔然而得所止性悅氣亦昂物
類無大小隨分各自康慎勿慕高鳥不盡弓不藏亦勿

守藩離時到仍飛揚樂羣輒聚頭得天已非常閒叢有
逸趣花對葉相當但不棲枳棘何鳥非鳳凰

讀余迪人通守

宗愔

行述書後

劫運競烽燄滇黔地尤險偉哉余使君氣足苗疆掩讀
書世必裨作吏小不辭參軍而監州到處徵建施才雄
力不厚官卑多掣肘吏治已難爲將畧更何有化早及
羣苗臺拱豈天驕嗚呼余使君名共睢陽標餉援苟不
絕心力終不竭誰招萬里魂自洒一掬血表彰欲書丹
恐筆不能殫卽君忠義感請以同仇觀民泣護無計中

有豆苗異脫巾裹米投賊覺使不濟運籌帷幄中各各
義滿胸死友難悉考最著張雪峯生死都不辱卓卓兩
義僕訣別則月良表忠則周玉大節屈必申縣宰達疆
臣入

告

賜官廕世世邀

恩綸知君死不死有弟兼有子揮涕事事詳家乘進

國史頻年殉難聞實際孰如君有道碑不愧愧詩非蔡
文

陳南村大令

蘇

出示奉訓西域從軍留別巴邱並

同人及士民贈和詩卷題贈二律

慈宣天鍾卓犖姿正傳馴雉倏歌驪三年令尹垂堂譖
一卷書生出塞詩捧檄敢辭王事重買刀翻笑吏才奇
守邊亦似防巖邑聲動元戎治可知

老入閉林恐不深扣門偏費使君尋爲停勞迹還傾蓋

偶聽清談當浣襟金馬坊高歎望起

大令籍四川

白狼河遠

戰聲沉攀轅忽喜迴轅恩先與蒼黎報好音

時西域稍平大府以

巖邑需才
檄留回任

子良詩存

爲外弟陳敬齋貳尹

錫光題松陰避暑圖

松生必擇地暑則逼人間熱暑自在世涼松自在山舍
涼而趨熱松笑人不聞羨君青松姿颯爽開心顏奈何
仗人植位置仍塵寰所幸有本性與松長往還歲寒果
氣勁夏健甯體屢炎炎豈能無賴此汗不斑啜茗搖大
扇高風已難攀老夫方倦遊寄隱東湖灣炎涼念早消
樹石緣未慳安得共清談避暑情雅嫻並將我入圖洒
筆煩荆關

乙丑七夕陳恭人歿已及葺重悼有作

願日金歸或有之却難情重恨無遺榮華報各虛何顧

恭人既歿始請諡封

兒女團圞樂轉悲偕隱未成增愧悔食貧

重憶費支持悠悠歲月真如夢潘岳傷亡已及暮

西風瑟瑟到庭柯寥落催人喚奈何破曉新涼初病起
及秋殘景老懷多未歸白叟猶迷路已別黃姑不渡河
一痛七旬壽奚益半供傷悼半蹉跎

予賦悼亡詩妻妾共四次矣

示豐兒從軍

讀書非不成汝乃從軍起親老急祿養意固難阻止而
我讀書心於汝殊未已書非但科名藉以通事理卽論

帷幄籌策言豈不耻長刀大戟中寸管實奏拔偃武而
修文他日太平仕又念化兵凶敦詩說禮始命汝以字
行永年書錫祉

賴虛舟屬題松菊圖照

君生好菊花奈何慕寒瘦非無時艷姿意必經霜茂不
爭桃李先甯待松柏有君屢作此圖我題若蘭臭知君
有本性榮落氣總秀聞君有歸興願及花時候培植幸
未遲菊荒徑如舊

題周蓮舫大令

長森

奉母出險圖

星殘月黑燈照愁妻孥
鰥面母白頭離亂妻孥
甯顧惜惜是親衰要扶掖
吳越古繁華劫火揚風沙
賢豪貴公子頃刻俱無家
居人無家處處苦我行安
得居停主鯨鯢吼海狼跋
山鴟鴞叫血彪飛斑偉哉
周君乃能奉母千里頻往
還終得一官祿養足以歡
親顏我聞當日奉母歸來
兒失矣賊據誰存況穉齒
十載逢兒母大喜爾能保
母天亦保爾子吁嗟乎孝
行之報有如此

予自吉州回省蔡耀甫世講

慶昌

同舟出示詩卷

索贈久始得二律以應

悠悠鷺渚與螺川遊眺隨緣總偶然身外一瓢撚稿客
吟邊千斛運租船時坐米船也綠萍分派雙江水丹荔思鄉
五月天感舊傷離無賴甚轉驚知已得流連

猶記趨庭汝幼孩幕中頻看侍銜杯廿年聚首虛前夢
兩世交情望後來投刺未逢門客笑碎琴何益市人哀
苦心憤爲亡朋語有子能交是不才

吳穎函觀察

昌言

屬題獨坐圖

幾見英雄磊落軀安閒容爾學禪枯胸中未了羣生計
身外聊爲獨坐圖鼙鼓不聞非壯士褐衣纔着卽潛夫

丹青莫遞呈真面怕有人間俗手摹